

Na osnovu člana 5. i 8. Zakona o ministarstvima i drugim organima uprave Tuzlanskog kantona («Službene novine TK», broj:17/00) i Odluke o utvrđivanju kriterija, uslova i postupka za raspodjelu sredstava sa potrošačke jedinice 24010005 – Izdavačka djelatnost za 2004. godinu broj: 02/1-02-2434-3/04 od 02.03.2004. godine Vlade Tuzlanskog kantona, Ministarstvo obrazovanja, nauke, kulture i sporta Tuzlanskog kantona raspisuje

**JAVNI POZIV
za predlaganje izdavačkih projekata**

I

Raspisuje se javni poziv za predlaganje izdavačkih projekata za sufinansiranje u skladu sa Odlukom o utvrđivanju kriterija, uslova i postupka za raspodjelu sredstava sa potrošačke jedinice – 24010005- Izdavačka djelatnost za 20004. godinu Vlade Tuzlanskog kantona.

II

Da bi registrovane osobe čije nadležnosti obuhvataju poslove izdavačke djelatnosti bile podržane u sufinansiranju izdavačkog projekta, izdavački projekti, treba da ispunjavaju slijedeće kriterije:

- Da se radi o izdavanju publikacija (knjiga, brošura, separat, muzičko djelo, reprodukcija, umjetnička slika i crtež, katalog, plakat, obrazac, razglednica, fotografija, dijapozitiv, gramofonska ploča, tonska kasete, video kasete, C - D rom, audio kasete, brajevo pismo), obrađeno elektronski ili na drugi način.
- Da se radi o časopisima, stručnoj literaturi i knjigama za koje su napisane recenzije priznatih stručnjaka iz oblasti iz koje se izdaje publikacija, prevodilaštvo, periodika, kulturno naslijeđe,
- Da se radi o promociji izdanja publikacije,
- Da se radi o ponudi izdavača za otkup publikacija.

Prednost za dodjelu sredstava imaju:

1. Publikacije za čije izdavanje su odobrena sredstva u 2003. godini a nisu realizovana,
2. Publikacije za čije izdavanje su obezbijeđena dodatna sredstva
3. Publikacije iz oblasti kulturnih i kulturoloških istraživanja,
4. Publikacije – časopisi koji tretiraju obrazovanje, nauku, kulturu i društvena pitanja,
5. Ostale publikacije.

III

Predlagač izdavačkog projekta je obavezan dostaviti:

1. Rješenje o upisu u registar pravnih lica, (kopija),
2. Identifikacijski znakovi, identifikacioni broj iz registra poslovnih subjekata, spesimen potpisa (kopija),
3. Finansijski plan predloženog izdavačkog projekta sa potpunom specifikacijom troškova i visina sredstava koja se potražuje od Ministarstva obrazovanja, nauke, kulture i sporta.
4. Izvještaj sa računima, ugovorima i drugim dokazima, o utrošku sredstava za izdavačke projekte koja je predlagač dobio od Vlade Kantona ili Ministarstva obrazovanja, nauke, kulture i sporta u 2003. godini,
5. Dostaviti najmanje dvije stručne pozitivne recenzije i cijenu jednog primjerka publikacije,

Za predlagače izdavačkih projekata kojima budu odobrena finansijska sredstva propisuje se obaveza sklapanja ugovora kojim se reguliše otkup publikacija, prava i obaveze između izdavača i Ministarstva u pogledu plaćanja i načina isporuke publikacija.

Pored kriterija i uslova iz tačke I i II Javnog poziva, aplikanti su obavezni ispuniti PRIJAVNI OBRAZAC za sufinansiranje dijela troškova za izdavačku djelatnost.

Prijavni obrazac aplikanti mogu preuzeti u prosotijama Ministarstv obrazovanja, nauke, kulture i sporta u Tuzli Ul. Slatina br.2.

O odobrenim finansijskim sredstvima zaključuje se ugovor kojim se reguliše otkup publikacija, prava i obaveze između izdavača i Ministarstva u pogledu plaćanja i načina isporuke publikacija.

IV

Javni poziv ostaje otvoren 15 dana od dana objavljivanja. Prijave na javni poziv sa potrebnom dokumentacijom slati na adresu:

Ministarstvo obrazovanja, nauke, kulture i sporta Tuzlanskog kantona, Ul. Slatina 2, Tuzla.
Nepotpune i neblagovremene prijave neće se izeti u razmatranje.

**MINISTARSTVO OBRAZOVANJA,
NAUKE, KULTURE I SPORTA**